

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno:	17-06-2022		
Org. jed.	Sl. oznaka	Red. broj	Br. priloga
01	09	1845/22	

Broj: 02-04-1751/22-AP-4
Datum: 17.06.2022. godine

GRADSKO VIJEĆE ZAVIDOVIĆI
n/r PREDSJEDAVALAČA GRADSKOG VIJEĆA
mr. iur. Erna Merdić Smailhodžić

PREDMET: Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, dostavlja se

U prilogu akta dostavljam Vam Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići.

Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-04-1751/22-AP-3
Datum: 17.06.2022. godine

Na osnovu člana 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i Zaključka Općinskog vijeća broj: 01-04-71/22-AP-9 od 31.03.2022. godine, Gradsko vijeće Zavidovići na __.sjednici, održanoj __.__.2022. godine donijelo je

O D L U K U

o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići

Član 1.

(Zabrana rada trgovačkih radnju nedjeljom)

(1) U članu 5. stav (1) Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići („Službeni glasnik Općine Zavidovići“, broj: 8/2015) stav (1) iza riječi „osim“ dodaju se riječi „nedjeljom i“,

(2) U članu 5. stav (2) mijenja se i glasi:

„Izuzetno, radno vrijeme zdravstvenih ustanova, apoteka i pekara može trajati od 00:00 do 24:00 sata svakog dana uključujući i nedjelju i državne praznike.“

(3) U članu 5. stav (3) Odluke iza riječi „svakog dana“ dodaju se riječi „osim nedjeljom“.

(4) U članu 5. stav (5) Odluke iza riječi „svakog dana“ dodaju se riječi „osim nedjeljom“.

Član 2.

(Zabrana rada ugostiteljskih objekata nedjeljom)

U članu 6. iza stava (4) dodaje se stav (5) i glasi: „Zabranjuje se rad nedjeljom ugostiteljskim objektima iz člana 6. stav (1), (2), (3) i (4).“

Član 3.

(Zabrana rada iz oblasti obrtničkih i srodnih djelatnosti, privrednim društvima i stovarištima nedjeljom)

Član 8. Odluke mijenja se i glasi:

„(1) Objekti u kojima se obavljaju obrtničke i srodne djelatnosti, djelatnost privrednih društava, stovarišta i dr. moraju obezbijediti minimalno radno vrijeme u skladu sa članom ove Odluke,

(2) Djelatnostima iz stava (1) ovog člana zabranjen je rad nedjeljom.“

Član 4.
(Stupanje na snagu)

Ova Odluka stupa na snagu prvog narednog dana od dana objavljivanja u "Službenom glasniku Grada Zavidovići".

PREDSJEDAVAJUĆA
GRADSKOG VIJEĆA

mr. iur. Erna Merdić Smailhodžić

O B R A Z L O Ž E N J E

USTAVNOPRAVNI I ZAKONSKI OSNOV ZA UVOĐENJE ODLUKE

U članu 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) određeno je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

Zaključkom Općinskog vijeća broj: 01-04-71/22-AP-9 od 31.03.2022. godine usvojena je Inicijativa vijećnika Latifović Ramiza za donošenje Odluke o zabrani rada nedjeljom na području općine Zavidovići (svim firmama, stovarištima, tržnim centrima, marketima, mini marketima, trgovinama, osim zdravstvenim ustanovama, apotekama i pekarama), te zadužen Općinski načelnik sa nadležnom Službom za realizaciju predmetne inicijative.

RAZLOZI ZA UVOĐENJE ODLUKE

Ova Odluka je donesena na osnovu Zaključka Općinskog vijeća Zavidovići broj: 01-04-71/22-AP-9 od 31.03.2022. godine, kojim je usvojena Inicijativa vijećnika Latifović Ramiza za donošenje Odluke o zabrani rada nedjeljom na području općine Zavidovići (svim firmama, stovarištima, tržnim centrima, marketima, mini marketima, trgovinama, osim zdravstvenim ustanovama, apotekama i pekarama).

Služba za upravu privrede, lokalni razvoj, infrastrukturu i međunarodnu saradnju je u odgovoru na Inicijativu bila stava da istu ne treba prihvatiti, te navedena Inicijativa nije prihvaćena ni od strane Gradonačelnika u kojem je navedeno da na području Federacije Bosne i Hercegovine nema zakonske odredbe, koja bi na zakonit način omogućila zabranu rada nedjeljom.

Zakonom o radu Federacije Bosne Hercegovine („Službene novine F BiH“, broj: 26/16 i 89/18) definisano je povećanje plaće za rad za vrijeme neradnih dana, koje radnici mogu potraživati od poslodavca za rad nedjeljom.

Imajući u vidu da je Općinsko vijeće i pored stava da se Inicijativa ne treba prihvatiti donijelo Zaključak broj: 01-04-71/22-AP-9 od 31.03.2022. godine, kojim je prihvaćena predmetna Inicijativa, Služba za upravu privrede, lokalni razvoj, infrastrukturu i međunarodnu saradnju je tražila mišljenje od Ministarstva rada i socijalne politike F BiH, Ministarstva trgovine F BiH, Ministarstva razvoja, poduzetništva i obrta F BiH, Ministarstva okoliša i turizma F BiH, Obrtničke komore F BiH, Privredne komore F BiH, Ministarstva privrede ZDK, Obrtničke komora ZDK i Udruženja privrednika F BiH.

U dostavljenim odgovorima odnosno mišljenjima se navodi da zabrana obavljanja djelatnosti nedjeljom nije utvrđena ni omogućena ni jednim, zakonom, podzakonskim aktom, niti nekim drugim propisom na nivou Federacije BiH, niti na nivou Zeničko-dobojskog kantona.

Pored navedenog u dostavljenim odgovorima je istaknuto da je Zakonom o radu određeno pravo radnika na odmor jedan dan u sedmici, ali nije određeno koji dan, već isto zavisi od organizacije radnog vremena kod poslodavca, u odnosu na potrebe posla.

Također, u odgovorima je navedeno da je prilikom utvrđivanja radnog vremena potrebno konsultovati i primijeniti posebne odredbe o radnom vremenu zasebnih vrsta ugostiteljskih objekata, npr. objekti iz skupine „Hoteli“ rade 24 sata u skladu sa Pravilnikom o razvrstavanju, minimalnim uvjetima i kategorizaciji ugostiteljskih objekata iz skupine Hoteli („Službene novine Federacije BiH“, broj: 32/10, 53/10 i 76/11).

Federalno ministarstvo trgovine u svom odgovoru je navelo da nadležni općinski, odnosno gradski organi ne mogu donijeti odluku o radnom vremenu trgovina na području svoje općine ili grada kojim bi zabranili rad trgovina nedjeljom, jer isto nije u skladu sa Zakonom o

unutrašnjoj trgovini i nije u skladu sa osnovnim načelom da se trgovina obavlja slobodno i pod jednakim uslovima na tržištu, na način da se ne sprečava i ne narušava tržišna konkurencija.

Konkretno, članom 24. Zakona o unutrašnjoj trgovini („Službene novine F BiH“, broj: 40/10 i 97/17) određeno je da se radno vrijeme i raspored dnevnog i sedmičnog radnog vremena trgovačkih objekata utvrđuje propisom nadležnih općinskih ili gradskih organa. Intencija navedene odredbe je da se propisima općinskog ili gradskog organa utvrdi minimalno radno vrijeme u kojem trgovine moraju biti otvorene, radi zadovoljavanja potreba građana, te da se tim odlukama nadležnih organa ne ograničavaju poduzetnička prava i slobode, odnosno da se takvim propisima ne narušava jednakost među poduzetnicima.

Ako bi se uređenjem radnog vremena trgovina u Federaciji BiH ušlo u područje slobodne ocjene nadležnih općinskih odnosno gradskih organa, kod donošenja propisa o zabrani rada trgovine nedjeljom moralo bi se ispitati jesu li te mjere u saglasnosti sa odgovarajućim ustavnim i zakonskim odredbama, te da li se ograničavanjem poduzetničke slobode trgovaca može ostvariti zaštita prava radnika zaposlenih u trgovini, ukoliko je to i cilj donošenja mjera.

Imajući u vidu navedeno naglašavamo da je Služba za upravu privrede, lokalni razvoj, infrastukturu i međunarodnu saradnju mišljenja da donošenje ove Odluke nije u skladu sa ustavnim i zakonskim odredbama, te da se donošenjem ovakve odluke otvara mogućnost pokretanja tužbi za naknadu štete, izgubljene dobiti i dr. od strane privrednih društava, fizičkih i pravnih lica koji imaju registrovanu djelatnost.

ODREDBE KOJE SE MIJENJAJU

Član 5.

(Maksimalno radno vrijeme)

(1) Radno vrijeme trgovačkih objekata u kojim se obavlja trgovina i trgovačka usluga, može trajati od 06:00 do 22:00 sata svakog radnog dana u sedmici osim u vrijeme državnih praznika kada je zabranjen rad.

(2) Izuzetno, radno vrijeme apoteka, pekara, trgovačkih centara, specijalnih trgovina pekarskih proizvoda, trgovina tipa dragstor, benzinskih pumpi, te trgovačkih objekata koji rade u sastavu benzinskih pumpi, željezničkih i autobuskih stanica može trajati od 00:00 do 24:00 sata svakog dana uključujući i državne praznike.

(3) Trgovcu koji obavlja trgovinu ličnim nuđenjem utvrđuje se maksimalno radno vrijeme i to tako što može početi sa radom svakog dana, najranije od 08:00 sati i može raditi najduže do 22:00 sata, pod uslovima propisanim zakonom i tako da se ne uznemiravaju građani prema kojima je usmjerena ponuda.

(4) Radno vrijeme trgovine na malo van prodajnog objekta određuje se aktom nadležnog organa kojim se odobrava prodajno mjesto, kao i vrijeme i način trgovine u skladu sa zakonom, osim u prenosivom objektu tipa kioska.

(5) U prenosivom objektu tipa kioska, utvrđuje se radno vrijeme i to tako što mogu da rade svakog dana, uključujući i državne praznike, od 06:00 sati do 22:00 sata.

Član 6.

(Maksimalno radno vrijeme)

(1) U objektima u kojima se obavlja ugostiteljska djelatnost radno vrijeme može trajati od 06:00 do 24:00 sata.

(2) Hoteli, moteli, pansioni, prenoćišta i drugi objekti koji pružaju usluge smještaja mogu svoje radno vrijeme organizovati od 00:00 do 24:00 sata.

(3) Radno vrijeme ugostiteljskih objekata vrste noćni bar, noćni klub, disko bar i disko klub može trajati od 06:00 do 02:00 sata.

(4) Ugostiteljski objekti smješteni u objektima željezničkih i autobuskih stanica i benzinskih pumpnih stanica, mogu raditi od 00:00 do 24:00 sata, uz uslov da se u toku rada ugostiteljskog objekta ne remeti javni red i mir.

Član 8. (Minimalno radno vrijeme)

Objekti u kojima se obavljaju obrtničke i srodne djelatnosti moraju obezbijediti minimalno radno vrijeme u skladu sa članom 3. ove Odluke.

OBRAZLOŽENJE PRAVNIH RJEŠENJA U ODLUCI

Članom 1. utvrđena je zabrana rada trgovačkih radnji nedjeljom.

Članom 2. utvrđena je zabrana rada ugostiteljskih radnji nedjeljom.

Članom 3. utvrđena je zabrana rada iz oblasti obrtničkih i srodnih djelatnosti, privrednim društvima i stovarištima nedjeljom.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbeni mehanizmi i način osiguravanja ove Odluke su nadležni nadzorni organi, koji u okviru svojih ovlaštenja provode nadzor nad primjenom Odluke, te izriču sankcije za nepoštivanje odredaba Odluke.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

U Budžetu Grada Zavidovići za 2022. godinu nisu potrebna sredstva za realizaciju ove Odluke, međutim u Budžetima narednih godina, potrebno predvidjeti sredstva za eventualna potraživanja kako privrednika, tako i zaposlenika, radi nadoknade štete i izgubljene dobiti zbog ograničavanja poduzetničkih prava i sloboda, te mogućih gubitaka radnih mjesta radi otpuštanja zaposlenika i drugih posljedica, koje donošenjem ove Odluke mogu nastupiti.

OPIS KONSULTACIJA VOĐENIH U PROCESU IZRADE ODLUKE

U pocesu izrade Odluke Služba za upravu privrede, lokalni razvoj, infrastrukturu i međunarodnu saradnju je tražila mišljenje od Ministarstva rada i socijane politike F BiH, Ministarstva trgovine F BiH, Ministarstva razvoja, poduzetništva i obrta FBiH, Ministarstva okoliša i turizma F BiH, Obrtničke komore F BiH, Privredne komore F BiH, Ministarstva privrede ZDK, Obrtničke komora ZDK i Udruženja privrednika F BiH.

Navedena mišljenja su dostavljena i sastavni dio su ove Odluke.

Obradila:

(Amira Šibonjić)

Kontrolisala:

(Džeraldina Miličević)



GRADONAČELNIK

doc. dr. Hašim Mujanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu privrede, lokalni razvoj,
infrastrukturu i međunarodnu saradnju

Broj: 03-45-10-123/22

Datum: 14.06.2022.godine

GRADONAČELNIK
-ovdje-

PREDMET: Doručena Odluka o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, dostavlja se

Postupajući po Vašem Nalogu broj: 02-04-1751/22-AP-2 od 13.06.2022. godine, u prilogu akta dostavljamo Vam Odluku o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići („Službeni glasnik općine Zavidovići“, broj: 8/2015).

Navedenim Zaključkom je usvojena Inicijativa vijećnika Latifović Ramiza za donošenje Odluke o zabrani rada nedjeljom na području općine Zavidovići (svim firmama, stovarištima, tržnim centrima, marketima, mini marketima, trgovinama, osim zdravstvenim ustanovama, apotekama i pekarama).

Služba za upravu privrede, lokalni razvoj, infrastrukturu i međunarodnu saradnju je u odgovoru na Inicijativu bila stava da istu ne treba prihvatiti, te navedena Inicijativa nije prihvaćena ni od strane Gradonačelnika u kojem je navedeno da na području Federacije Bosne i Hercegovine nema zakonske odredbe, koja bi na zakonit način omogućila zabranu rada nedjeljom.

Zakonom o radu Federacije Bosne Hercegovine („Službene novine F BiH“, broj: 26/16 i 89/18) definisano je povećanje plaće za rad za vrijeme neradnih dana, koje radnici mogu potraživati od poslodavca za rad nedjeljom.

Imajući u vidu da je Općinsko vijeće i pored stava da se Inicijativa ne treba prihvatiti donijelo Zaključak broj: 01-04-71/22-AP-9 od 31.03.2022. godine, kojim je prihvaćena predmetna Inicijativa, Služba za upravu privrede, lokalni razvoj, infrastrukturu i međunarodnu saradnju je tražila mišljene od Ministarstva rada i socijane politike F BiH, Ministarstva trgovine F BiH, Ministarstva razvoja, poduzetništva i obrta FBiH, Ministarstva okoliša i turizma F BiH, Obrtničke komore F BiH, Privredne komore F BiH, Ministarstva privrede ZDK, Obrtničke komora ZDK i Udruženja privrednika F BiH, čije odgovore Vam dostavljamo u prilogu ovog akta.

U dostavljenim odgovorima odnosno mišljenjima, se navodi da zabrana obavljanja djelatnosti nedjeljom nije utvrđena ni omogućena ni jednim, zakonom, podzakonskim aktom, niti nekim drugim propisom na nivou Federacije BiH, niti na nivou Zeničko-dobojskog kantona .

Pored navedenog u dostavljenim odgovorima je istaknuto da je Zakonom o radu određeno pravo radnika na odmor jedan dan u sedmici, ali nije određeno koji dan, već isto zavisi od organizacije radnog vremena kod poslodavca, u odnosu na potrebe posla.

Također, u odgovorima je navedeno da je prilikom utvrđivanja radnog vremena potrebno konsultovati i primijeniti posebne odredbe o radnom vremenu zasebnih vrsta ugostiteljskih objekata, npr. objekti iz skupine „Hoteli“ rade 24 sata u skladu sa Pravilnikom o razvrstavanju, minimalnim uvjetima i kategorizaciji ugostiteljskih objekata iz skupine Hoteli („Službene novine Federacije BiH“, broj: 32/10, 53/10 i 76/11).

Federalno ministarstvo trgovine u svom odgovoru je navelo da nadležni općinski, odnosno gradski organi ne mogu donijeti odluku o radnom vremenu trgovina na području svoje općine ili grada kojim bi zabranili rad trgovina nedjeljom, jer isto nije u skladu sa Zakonom o unutrašnjoj trgovini i nije u skladu sa osnovnim načelom da se trgovina obavlja slobodno i pod jednakim uslovima na tržištu, na način da se ne sprječava i ne narušava tržišna konkurencija.

Konkretno, članom 24. Zakona o unutrašnjoj trgovini («Službene novine F BiH», broj: 40/10 i 97/17) određeno je da se radno vrijeme i raspored dnevnog i sedmičnog radnog vremena trgovačkih objekata utvrđuje propisom nadležnih općinskih ili gradskih organa. Intencija navedene odredbe je da se propisim općinskog ili gradskog organa utvrdi minimalno radno vrijeme u kojem trgovine moraju biti otvorene, radi zadovoljavanja potreba građana, te da se tim odlukama nadležnih organa ne ograničavaju poduzetnička prava i slobode, odnosno da se takvim propisima ne narušava jednakost među poduzetnicima.


Ako bi se uređenjem radnog vremena trgovina u Federaciji BiH ušlo u područje slobodne ocjene nadležnih općinskih odnosno gradskih organa, kod donošenja propisa o zabrani rada trgovine nedjeljom moralo bi se ispitati jesu li te mjere u saglasnosti sa odgovarajućim ustavnim i zakonskim odredbama, te da li se ograničavanjem poduzetničke slobode trgovaca može ostvariti zaštita prava radnika zaposlenih u trgovini, ukoliko je to i cilj donošenja mjera.


Imajući u vidu navedeno naglašavamo da je Služba za upravu privrede, lokalni razvoj, infrastrukturu i međunarodnu saradnju mišljenja da donošenje ove Odluke nije u skladu sa ustavnim i zakonskim odredbama, te da se donošenjem ovakve odluke otvara mogućnost pokretanja tužbi za naknadu štete, izgubljene dobiti i dr. od strane privrednih društava, fizičkih i pravnih lica koji imaju registrovanu djelatnost.

S poštovanjem!

Dostavljeno:

- Naslovu
- a/a

obradila: 
Amira Šibonjić dipl. pravnik



POMOĆNIK GRADONAČELNIKA

mr. sc. Džeralđina Miličević

060522
Cllh

Broj: 05-16-365-UT/22

Mostar, 28.04.2022.godine

BOSNA I HERCEGOVINA
FEDERACIJA BOSNE I HERCEGOVINE

Zeničko-dobojski Kanton

Grad Zavidovići

Služba za upravu privrede, lokalni razvoj,
infrastrukturu i međunarodnu suradnju

ulica Safvet-bega Bašagića broj 9,

72 220, Zavidovići

BOSNA I HERCEGOVINA
FEDERACIJA BOSNE I HERCEGOVINE
Zeničko-dobojski Kanton
Grad Zavidovići
Služba za upravu privrede, lokalni razvoj,
infrastrukturu i međunarodnu suradnju

STUČNA LISTA

Primljeno	05-05-2022		
Org. jed.	Kl. oznaka	Red. broj	Br. priloga
03			

Predmet: Mišljenje, dostavlja se

Veza: Vaš akt broj: 03-45-10-101/22 od 22.04.2022.godine

Vezano za Vaš upit, kojim tražite mišljenje ovog Ministarstva, a vezano uz zabranu obavljanja trgovine nedjeljom, Federalno ministarstvo trgovine, u okviru svoje nadležnosti, obavještava Vas o sljedećem:

Zakonom o unutarnjoj trgovini („Službene novine Federacije BiH“, br. 40/10 i 79/17; dalje: Zakon) uređuju se: obavljanje i uvjeti za obavljanje trgovine na veliko, trgovine na malo i trgovačkih usluga, osnivanje i prestanak rada trgovačke radnje, posebni oblici obavljanja trgovine, način formiranja cijena, zaštita potrošača i nedopušteno trgovanje, ograničenje obavljanja trgovine, nadzor nad primjenom zakona, kao i druga pitanja od značaja za obavljanje trgovine na teritoriji Federacije Bosne i Hercegovine.

Trgovina se obavlja slobodno pod jednakim uvjetima na tržištu za sve trgovce u skladu sa zakonom, dobrim poslovnim običajima, principima lojalne konkurencije i trgovačkim pravilima, odnosno uzansama.

Trgovina, kao važna gospodarska djelatnost, ima značajnu ulogu u Federaciji BiH i osnovni cilj Zakona je da osigura nesmetan rast trgovine koja će biti u funkciji i interesu cjelokupnog gospodarstva Federacije BiH, uz vođenje računa i o trgovcima i potrošačima u Federaciji BiH. Zakon garantira slobodu poduzetništva te je ograničavanje trgovine Zakonom propisano isključivo u slučaju :

-prirodnih i drugih nepogoda u Federaciji BiH, kada nastane ili bi mogao nastati osjetni poremećaj u trgovini, poremećaj u snabdijevanju stanovništva, ili poremećaj na drugim područjima koja ugrožavaju siguran i zdrav život građana,

-značajnih poremećaja na domaćem tržištu zbog pomanjkanja robe nužno potrebne za proizvodnju, preradu i za život građana,

-ratnog stanja i neposredne ugroženosti Federacije BiH,

potrebe osiguranja proizvoda, sirovina i reproduktivnog materijala od posebnog strateškog značaja za obranu Federacije BiH, u kojim slučajevima Vlada Federacije BiH može propisati privremene mjere ograničenja trgovine ili zabrane trgovine pojedinom vrstom roba.

Pitanje utvrđivanja radnog vremena u trgovini regulirano je člankom 24. Zakona koji glasi:

1) Radno vrijeme i raspored dnevnog i sedmičnog radnog vremena prodajnih objekata, radno vrijeme u dane državnih praznika i neradnih dana u kojima je trgovac dužan poslovati, te radno vrijeme za tržnice, sajmove, izložbe i druge povremene načine obavljanja trgovine utvrđuje nadležni organ.

2) Trgovac je dužan utvrditi radno vrijeme prodajnog objekta i drugog oblika trgovine u skladu sa ovim zakonom vodeći računa o broju zaposlenih radnika i poštivanju njihovih prava uređenih Zakonom o radu, drugim radno-pravnim propisima, kolektivnim ugovorom i ugovorom o radu.

3) Trgovac je dužan na vidnom mjestu istaći radno vrijeme, raspored dnevnog i sedmičnog radnog vremena, radno vrijeme u dane državnih praznika i neradnih dana, radno vrijeme povremenog načina obavljanja trgovine i pridržavati se tog radnog vremena.

U smislu članka 2. stavak 2) točka b) Zakona, nadležni organ je gradski, odnosno općinski organ uprave nadležan za oblast trgovine.

Konkretno, kada je u pitanju članak 24. Zakona, intencija navedene odredbe je da se radno vrijeme i raspored dnevnog i sedmičnog radnog vremena trgovačkih objekata utvrđuje propisom nadležnog općinskog, odnosno gradskog organa, na način da se utvrdi minimalno radno vrijeme u kojem trgovine moraju biti otvorene, radi zadovoljavanja potreba građana, te da se tim odlukama nadležnog organa ne ograničavaju poduzetnička prava i slobode, odnosno da se takvim propisom ne narušava jednakost među poduzetnicima.

Ako bi se uređenjem radnog vremena trgovina u Federaciji BiH ušlo u područje slobodne procjene nadležnih općinskih, odnosno gradskih organa, kod donošenja propisa o zabrani rada trgovine nedjeljom moralo bi se ispitati jesu li te mjere u suglasnosti s odgovarajućim ustavnim i zakonskim odredbama, te da li se ograničavanjem poduzetničke slobode trgovaca može ostvariti zaštita prava radnika zaposlenih u trgovini, ukoliko je to cilj donošenja tih mjera.

Zaključno sa navedenim, nadležni općinski, odnosno gradski organi ne mogu donijeti odluku o radnom vremenu trgovina na području svoje općine ili grada kojom bi zabranili rad trgovina nedjeljom jer isto nije u skladu sa Zakonom o unutrašnjoj trgovini i nije u skladu sa osnovnim načelom da se trgovina obavlja slobodno i pod jednakim uslovima na tržištu, na način da se ne sprječava, ne ograničava i ne narušava tržišna konkurencija.

S poštovanjem,

MINISTAR

Zlatan Vujanović

377

03-
0305?
0.X-

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 06/2-18-2-283/22
Sarajevo, 5.5.2022. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-Dobojski okrug

STRUČNA SLUŽBA UPRAVE ZA ZAŠTITU OKOLIŠA

10-05-2022

Priloga			
Broj	Na zbiru	God broj	Broj priloga
23			

GRAD ZAVIDOVIĆI

Služba za upravu privrede, lokalni razvoj, infrastrukturu i međunarodnu saradnju
Ul. Safvet – bega Bašagića br. 9
72 220 Zavidovići

PREDMET: Odgovor na upit

Veza: Vaš akt broj: 03-45-10-101/22 od 22.4.2022. godine (zaprimljen u Ministarstvu dana 28.4.2022. godine)

Poštovani,

U vezi Vašeg akta iz veze, putem kojeg ste postavili upit vezano za donošenje Odluke gradskog vijeća o zabrani rada nedjeljom, dajemo sljedeći odgovor:

Shodno odredbi Zakona o ugostiteljskoj djelatnosti ("Službene novine Federacije BiH" broj 32/09) preciznije članu 11. koji propisuje:

Radno vrijeme i raspored dnevnog i sedmičnog radnog vremena u ugostiteljskim objektima, radno vrijeme u dane državnih praznika i neradnih dana u kojima je ugostitelj dužan poslovati utvrđuje nadležni organ....
jasno je da nadležni organ, odnosno organ jedinice lokalne samouprave utvrđuje radno vrijeme ugostiteljskih objekata.

Međutim, pri utvrđivanju navedenog radnog vremena, potrebno je konsultovati i primijeniti i posebne odredbe o radnom vremenu zasebnih vrsta ugostiteljskih objekata.

Tako npr. objekti iz skupine „Hoteli“ rade 24 sata, shodno odredbama Pravilnika o razvrstavanju, minimalnim uvjetima i kategorizaciji ugostiteljskih objekata iz skupine Hoteli („Službene novine Federacije BiH“, br: 32 /10 , 53/10 i 76/11).

Pored navedenog podzakonskog akta, ostali podzakonski akti kojima su propisane posebne vrste ugostiteljskih objekata, objavljeni su na slubenoj internet stranici Ministarstva: <https://fmoit.gov.ba/bs/turizam/zakonski-okvir>.

S poštovanjem,

MINISTRICA



Dr. Edita Đapo

Broj: 03-30/11-1586/22 AG
Sarajevo, 16.05.2022. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
SLUŽBA ZA UPRAVU PRIVREDE, LOKALNI RAZVOJ,
INFRASTRUKTURU I MEĐUNARODNU SARADNJU

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
STRUČNA SLUŽBA OPĆINSKOG NAČELNIKA

Primljeno 19-05-2022			
Org. jed.	Kl. ozn.	Red. broj	Br. priloga
03			

PREDMET: Izjašnjenje, dostavlja se

U vezi Vašeg akta broj: 03-45-10-101/22 od 05.05.2022. godine, koji je se odnosi na inicijativu za zabranu rada nedjeljom, sa aspekta nadležnosti ovog ministarstva u pogledu primjene propisa iz oblasti rada i radnih odnosa, obavještavamo Vas kako slijedi:

Zakonom o radu ("Službene novine Federacije BiH", br. 26/16 i 89/18), kao općim propisom iz oblasti rada i radnih odnosa, uređena su određena pitanja iz radnog odnosa, te se isti na pomenuta pitanja primjenjuje ako drugim zakonom ili međunarodnim ugovorom nije drugačije određeno. Kada je u pitanju raspored radnog vremena i pravo na sedmični odmor, ističemo da je odredbom člana 36. stav 4. propisano da se puno radno vrijeme može rasporediti na pet, odnosno šest radnih dana u skladu sa kolektivnim ugovorom i pravilnikom o radu. Shodno navedenom, raspored radnog vremena kod poslodavca, odnosno vrijeme u kojem će se poslovi iz djelatnosti poslodavca obavljati zavisi od potreba i organizacije posla, te se isti uređuje kolektivnim ugovorom kojeg zaključuju ovlaštene strane potpisnice, u zavisnosti od nivoa za koji se kolektivni ugovor zaključuje, te pravilnikom o radu, kojeg donosi poslodavac nakon prethodno obavljenih konsultacija sa sindikatom, odnosno vijećem zaposlenika. Nadalje, odredbom člana 46. stav 1. navedenog zakona propisano je da radnik ima pravo na sedmični odmor u trajanju od najmanje 24 sata neprekidno, a ako je neophodno da radi na dan svog sedmičnog odmora, osigurava mu se jedan dan u periodu određenom prema dogovoru poslodavca i radnika koji ne može biti duži od dvije sedmice. Zakonom o radu je izričito zabranjeno da se radniku uskrati pravo na sedmični odmor, te je propisana i prekršajna odgovornost poslodavca u slučaju drugačijeg postupanja.

Shodno navedenom, Zakonom o radu je propisana obaveza da se radniku u zavisnosti od rasporeda radnog vremena, osigura sedmični odmor u trajanju od najmanje 24 sata

neprekidno, s tim da navedenim zakonom nije propisan određeni dan u sedmici u kojem će radnici koristiti pravo na sedmični odmor, već isto zavisi od organizacije radnog vremena kod poslodavca, u odnosu na potrebe posla. Imajući u vidu odredbu člana 36. stav 4. Zakona o radu, koja se odnosi na raspored radnog vremena, mišljenja smo da određivanje dana u kojem će se koristiti sedmični odmor može biti predmet kolektivnog ugovora, odnosno pravilnika o radu.

S poštovanjem,



I – AKTI OPĆINSKOG VIJEĆA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-1534/15

Datum: 09.09.2015. godine

Na osnovu člana 24. stav 1. Zakona o unutrašnjoj trgovini ("Službene novine FBiH", broj 40/10), člana 11. stav 2. Zakona o ugostiteljskoj djelatnosti ("Službene novine FBiH", broj 32/09), člana 40. Zakona o obrtu i srodnim djelatnostima ("Službene novine FBiH", broj 35/09 i 42/11) i člana 25. stav 1. tačka 2. Statuta Općine Zavidovići („Službeni glasnik Općine Zavidovići“ broj 5/2008 i 5/a/2008), Općinsko vijeće Zavidovića na 33. sjednici održanoj dana 09.09.2015. godine, donosi

ODLUKU**o radnom vremenu u oblasti trgovine, ugostiteljstva,
obrtničkih i srodnih djelatnosti na području općine Zavidovići****DIO PRVI – OPĆE ODREDBE****Član 1.**

(Predmet Odluke)

Ovom odlukom utvrđuje se, raspored dnevnog i sedmičnog radnog vremena, rad u vrijeme državnih praznika, minimalno i maksimalno radno vrijeme, produženo radno vrijeme poslovnih subjekata iz oblasti obavljanja trgovačke, ugostiteljske, obrtničkih i srodnih djelatnosti, nadzor i kaznene odredbe.

Član 2.

(Definicije izraza)

Pojedini pojmovi koji se koriste u ovoj odluci imaju sljedeća značenja:

- a) poslovni subjekt je pravno lice ili fizičko lice koje obavlja poslove trgovačke, ugostiteljske, turističke, obrtničke ili srodne djelatnosti u skladu s propisima kojima je uređeno obavljanje tih djelatnosti;
- b) minimalno radno vrijeme je radno vrijeme u kojem objekti u kojima se obavljaju trgovačke, ugostiteljske, obrtničke i srodne djelatnosti moraju biti otvoreni radi zadovoljavanja potreba građana;
- c) maksimalno radno vrijeme je radno vrijeme u kojem objekti u kojima se obavljaju trgovačke, ugostiteljske, obrtničke i srodne djelatnosti mogu biti otvoreni radi zadovoljavanja potreba građana skladu u sa ovom Odlukom;
- d) produženo radno vrijeme je radno vrijeme u kojem objekti u kojima se obavljaju ugostiteljske djelatnosti, na osnovu odobrenja nadležnog organa, mogu biti otvoreni i preko maksimalnog radnog vremena propisanog ovom Odlukom u trajanju od 2 sata;
- e) nadležna služba je Služba za upravu ekonomskih poslova i poduzetništva općine Zavidovići.

Član 3.**(Minimalno radno vrijeme)**

- (1) Minimalno radno vrijeme objekata poslovnih subjekata, traje najmanje 7 sati dnevno, ako ovom Odlukom nije drugačije određeno.
- (2) Radno vrijeme može biti i duže od minimalnog, ali ne duže od maksimalnog radnog vremena određenog ovom Odlukom za svaku pojedinu djelatnost, osim u slučaju iz člana 7. ove Odluke.
- (3) Radna sedmica objekata poslovnih subjekata, ne može biti kraća od 6 radnih dana.

Član 4.**(Obavijest o radnom vremenu)**

Obavijest o radnom vremenu mora biti istaknuta na vidnom mjestu na ulazu u radne prostorije, a poslovni subjekti koji obavljaju djelatnosti dužni su da se pridržavaju istaknutog radnog vremena utvrđenog u skladu sa ovom Odlukom.

DIO DRUGI – RADNO VRIJEME U OBLASTI TRGOVAČKE, UGOSTITELJSKE, OBRTNIČKIH I SRODNIH DJELATNOSTI**POGLAVLJE I. RADNO VRIJEME U OBLASTI TRGOVAČKE DJELATNOSTI****Član 5.****(Maksimalno radno vrijeme)**

- (1) Radno vrijeme trgovačkih objekata u kojim se obavlja trgovina i trgovačka usluga, može trajati od 06,00 do 22,00 sata svakog radnog dana u sedmici osim u vrijeme državnih praznika kada je zabranjen rad.
- (2) Izuzetno, radno vrijeme apoteka, pekara, trgovačkih centara, specijalnih trgovina pekarskih proizvoda, trgovina tipa dragstor, benzinskih pumpi, te trgovačkih objekata koji rade u sastavu benzinskih pumpi, željezničkih i autobuskih stanicama može trajati od 00,00 do 24,00 sata svakog dana uključujući i državne praznike.
- (3) Trgovcu koji obavlja trgovinu ličnim nuđenjem utvrđuje se maksimalno radno vrijeme i to tako što može početi sa radom svakog dana, najranije od 08,00 sati i može raditi najduže do 22,00 sata, pod uslovima propisanim zakonom i tako da se ne uznemiravaju građani prema kojima je usmjerena ponuda.
- (4) Radno vrijeme trgovine na malo van prodajnog objekta određuje se aktom nadležnog organa kojim se odobrava prodajno mjesto, kao i vrijeme i način trgovine u skladu sa zakonom, osim u prenosivom objektu tipa kioska.
- (5) U prenosivom objektu tipa kioska, utvrđuje se radno vrijeme i to tako što mogu da rade svakog dana, uključujući i državne praznike, od 06,00 sati do 22,00 sata.

POGLAVLJE II. RADNO VRIJEME U OBLASTI UGOSTITELJSKE DJELATNOSTI**Član 6.****(Maksimalno radno vrijeme)**

- (1) U objektima u kojima se obavlja ugostiteljska djelatnost radno vrijeme može trajati od 06,00 do 24,00 sata.
- (2) Hoteli, moteli, pansioni, prenoćišta i drugi objekti koji pružaju usluge smještaja mogu svoje radno vrijeme organizovati od 00,00 do 24,00 sata.

(3) Radno vrijeme ugostiteljskih objekata vrste noćni bar, noćni klub, disko bar i disko klub može trajati od 06,00 do 02,00 sata.

(4) Ugostiteljski objekti smješteni u objektima željezničkih i autobuskih stanica i benzinskih pumpnih stanica, mogu raditi od 00,00 do 24,00 sata, uz uslov da se u toku rada ugostiteljskog objekta ne remeti javni red i mir.

Član 7.

(Produženo radno vrijeme)

(1) Izuzetno, poslovni subjekti u objektima u kojima se obavlja ugostiteljska djelatnost iz člana 6. stav (1) i (3) ove Odluke mogu raditi u produženom radnom vremenu za vrijeme:

- a) državnih praznika - 1. mart Dan nezavisnosti Bosne i Hercegovine i 25. novembar Dan državnosti Bosne i Hercegovine;
- b) međunarodnih praznika – Nova godina 31., 01. i 02. januar, 1. maj Međunarodni praznik rada i 8. mart Međunarodni dan žena;
- c) vjerskih praznika – Kurban-bajram i Ramazanski-bajram, Uskrs i katolički Božić i Vaskrs i pravoslavni Božić;
- d) proslave godišnjice rada ugostiteljskog objekta;
- e) izuzetno, na prijedlog nadležne službe, Općinski načelnik može donijeti Odluku da se u vrijeme održavanja odgovarajućih kulturnih, sportskih i sličnih manifestacija od državnog, federalnog, kantonalnog i općinskog značaja dozvoli produženo radno vrijeme za vrijeme trajanja manifestacije.

(2) Poslovni subjekti dužni su pribaviti posebno odobrenje od nadležne općinske službe za produženo radno vrijeme ugostiteljskog objekta. Zahtjev za produženo radno vrijeme podnosi se najkasnije 7 dana prije dana navedenih u stavu (1), tačka a), b), c), d) i e).

(3) Nadležna općinska služba može izdati odobrenje iz člana 7. stava (2) ove Odluke samo uz prethodno pribavljeno mišljenje PU3-Policijska stanica Zavidovići. PU3-Policijska stanica Zavidovići može dati negativno mišljenje, ukoliko je u ugostiteljskom objektu za koji se zahtjeva produženo radno vrijeme, evidentirano narušavanje javnog reda i mira u periodu od 30 dana od dana prijepodnošenja zahtjeva, a u tom slučaju nadležna općinska služba će odbiti zahtjev podnosioca.

(4) PU3 – Policijska stanica Zavidovići donosi i dostavlja svoje mišljenje nadležnoj općinskoj službi u roku od 5 dana.

POGLAVLJE III. RADNO VRIJEME U OBLASTI OBRRTNIČKIH I SRODNIH DJELATNOSTI

Član 8.

(Minimalno radno vrijeme)

Objekti u kojima se obavljaju obrtničke i srodne djelatnosti moraju obezbijediti minimalno radno vrijeme u skladu sa članom 3. ove Odluke.

DIO TREĆI – NADZOR

Član 9.

(Upravni nadzor)

Upravni nadzor nad provođenjem ove Odluke vrši Služba za upravu ekonomskih poslova i poduzetništva općine Zavidovići.

Član 10.
(Inspeksijskinadzor)

- (1) Inspeksijskinadzor nad provođenjem odredaba ove Odluke vrši nadležna inspekcija.
- (2) Nadležna inspekcija vrši inspeksijski nadzor kako slijedi:
 - a) za oblast trgovačke djelatnosti inspekcija čija je nadležnost propisana Zakonom o unutrašnjoj trgovini FBiH;
 - b) za oblast ugostiteljske djelatnosti inspekcija čija je nadležnost propisana Zakonom o ugostiteljskoj djelatnosti FBiH;
 - c) za oblast obrtničkih i srodnih djelatnosti inspekcija čija je nadležnost propisana Zakonom o obrtu i srodnim djelatnostima FBiH.

DIO ČETVRTI - KAZNENE ODREDBE

Člana 11.

Kaznene odredbe određuju se u skladu sa ovom Odlukom i za svaku oblast posebno u skladu sa Zakonom koji reguliše tu oblast.

Član 12.

(1) U skladu sa ovom Odlukom iz oblasti obavljanja trgovačke, ugostiteljske, obrtničkih i srodnih djelatnosti novčanom kaznom od 500,00 do 1.500,00 KM kaznit će se za prekršaj pravno lice i imalac radnje, ako odredi radno vrijeme suprotno odredbama ove Odluke (član 3., 5., 6. i 8.).

(2) Za prekršaje iz stava (1) ovog člana, kaznit će se odgovorno lice u pravnom licu novčanom kaznom u iznosu od 100,00 KM do 300,00 KM.

(3) Za prekršaje iz stava (1) ovoga člana kaznit će se fizičko lice novčanom kaznom od 50,00 do 200,00 KM.

Član 13.

(1) Za oblast trgovačke djelatnosti u skladu sa Zakonom o unutrašnjoj trgovini FBiH, novčanom kaznom u iznosu od 2.000,00 KM do 10.000,00 KM bit će kažnjen trgovac pravno lice, akona prodajnom objektu ne istakne i ne pridržava se utvrđenog radnog vremena.

(2) Za radnje iz stava (1) ovog člana bit će kažnjeno za prekršaj i odgovorno lice u pravnom licu novčanom kaznom u iznosu od 300,00 KM do 1.500,00 KM.

(3) Za radnje iz stava (1) ovog člana bit će kažnjen trgovac fizičko lice novčanom kaznom u iznosu od 400,00 KM do 1.200,00 KM.

Član 14.

(1) Za oblast ugostiteljske djelatnosti u skladu sa Zakonom o ugostiteljskoj djelatnosti FBiH novčanom kaznom u iznosu od 500,00 KM do 5.000,00 KM kaznit će se za prekršaj pravno lice, ako:

- a) vidno ne istakne na ulazu u ugostiteljski objekt obavijest o radnom vremenu ili ako ta obavijest nije u skladu sa propisanim radnim vremenom;
- b) ne pridržava se propisanog radnog vremena.

(2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom u iznosu od 200,00 KM do 2.000,00 KM.

(3) Za prekršaje iz stava (1) ovog člana kaznit će se fizičko lice novčanom kaznom u iznosu od 150,00 KM do 1.500,00 KM.

Član 15.

Za oblast obrtničkih i srodnih djelatnosti u skladu sa Zakonom o obrtu i srodnim djelatnostima FBiH, novčanom kaznom od 500,00 KM do 1.000,00 KM kaznit će se za prekršaj imalac radnje – obrtnik ili lice koje obavlja srodnu djelatnost ako na vidnom mjestu ne istakne radno vrijeme i njega se ne pridržava.

DIO PETI - PRIJELAZNE I ZAVRŠNE ODREDBE

Člana 16.

(Usklađivanje poslovanja)

(1) Poslovni subjekti dužni su uskladiti svoje radno vrijeme u skladu sa ovom Odlukom u roku od 30 dana od dana stupanja na snagu ove Odluke.

(2) Poslovni subjekti, kojima je do stupanja na snagu ove Odluke odobreno drukčije radno vrijeme od propisanog, dužni su stupanjem na snagu ove Odluke ispuniti uslove propisane ovom Odlukom.

(3) Zahtjevi poslovnih subjekata pokrenuti do stupanja na snagu ove Odluke riješit će se prema odredbama ove Odluke.

Člana 17.

(Stupanje na snagu Odluke)

Ova Odluka stupa na snagu osmog dana od dana objavljivanja u „Službenom glasniku Općine Zavidovići“.

PREDSJEDAVAJUĆA
OPĆINSKOG VIJEĆA

(M.P.) Hadžić dr Amira, spec. radiolog, s.r.



Komisija za Statut i propise

Broj: 01-04-1845/22-AP-2

Datum: 21.06.2022. godine

Na osnovu člana 13, 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za Statut i propise na 5. sjednici održanoj dana 21.06.2022. godine, razmatrala je Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, pa nakon rasprave donijela

ZAKLJUČAK

1. Komisija za Statut i propise smatra da Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, nije uskladu sa članom 25. stav 1. Zakona o unutrašnjoj trgovini („Službene novine FBiH“, broj: 40/10 i 79/17), članom 11. stav 2. Zakona o ugostiteljskoj djelatnosti („Službeni novine FBiH“, broj: 32/09) i članom 40. Zakona o obrtu i srodnim djelatnostima („Službene novine FBiH“, broj: 35709 i 42/11), a što potvrđuju i dostavljena mišljenja nadležnih Ministarstava.

2. Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, dostavlja se predsjedavajućoj radi uvrštavanja u dnevni red sjednice Gradskog vijeća.

3. O realizaciji ovog zaključka starat će se Stručna služba Gradskog vijeća.

PREDSJEDNIK KOMISIJE

Arnes Sinanović, dipl. pravnik





**Komisija za budžet, finansije i
ekonomska pitanja**

Broj: 01-04-1845/22-AP-3

Datum: 21.06.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za budžet, finansije i ekonomska pitanja na 3. sjednici održanoj dana 21.06.2022. godine, razmatrala je Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, pa nakon rasprave donijela

ZAKLJUČAK

1. Komisija za budžet, finansije i ekonomska pitanja odbija Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići.

O b r a z l o ž e n j e

Komisija za budžet, finansije i ekonomska pitanja, uvažavajući pribavljena mišljenja nadležnih Ministarstava, smatra da Gradsko vijeće Zavidovići nema nadležnosti da propisuje zabranu rada nedeljom u oblasti trgovine, ugostiteljstva, obrtničkih i srodnih djelatnosti.

Rad nedeljom u oblasti trgovine, ugostiteljstva, obrtničkih i srodnih djelatnosti je problematika koja se rješava Kolektivnim ugovorima na višim nivoi vlasti i poslodavcima, a što je u skladu za Zakonom o radu („Službene novine Federacije BiH“, broj: 26/16 i 89/18).

2. Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, dostavlja se predsjedavajućoj radi uvrštavanja u dnevni red sjednice Gradskog vijeća.

3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**

Broj: 01-04-1845/22-AP-4

Datum: 22.06.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za društvene djelatnosti, ljudska prava, mlade i ravnopravnost spolova na 2. sjednici održanoj dana 22.06.2022. godine, razmatrala je Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova odbija Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, uvažavajući pribavljene stavove nadležnih Ministarstava.

2. Nacrt Odluke o izmjenama i dopunama Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Zavidovići, dostavlja se predsjedavajućoj radi uvrštavanja u dnevni red sjednice Gradskog vijeća.

3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Haris Ibrić

